

潛

研

堂

詩

集

潛研堂詩集卷四

嘉定錢大昕

丙子春帖子詞

綵樹千花放僊萸五葉敷吉雲鋪似錦春蚤是皇都
天街綠意蚤萋萋殿上鈿幡入賀齊幾日甘泉捷書報
春風先到玉關西

題李西華給諫賞番圖六首

奇絕平生此度游長風駕浪送扁舟從來不信譚天衍
眞到婆娑第一洲

青螺澳外鳳山偏頒賞諸番例久沿麻達遲郎襁負出

一時羅拜繡衣前

轅門初啟曙霞分
意氣軒軒屬使君
帳下健兒紛夾侍
試將蠻語問參軍

禾閒高下足官租
織就戈紋新樣殊
風俗依然是唐魏
不知身已度澎湖

輜軒別國足清援
蠻俗方言畧已諳
狀出南中閒艸木
咫尺端合傲嵇含

天南盡識相如節
海外爭傳玉局詩
重遣吳裝圖粉本
烏嵌城下賞番時

題吳冠山編修洗竹圖

無竹令人俗此語古有之但得青蔥峭蒨落吾手
掛用千戶封侯爲主人雅負子猷癖十笏小築谿南宅平泉
花木百不愛獨放叢筠數竿碧上番移種春方酣駢頭
戢戢多于蠶堅中茶中細分別飢之舊譜粗能諳亟攜
鵬觥鉏自闢百弓徑蒙密一以除娟娟新綠淨疏篁瑟
瑟靜可聽輕風敲戛響不停著書風幔日卓午惟見萬
个攢空青燕郊庭際只消三兩竿便覺衫袂生清寒何
如家園千畝疏影合我欲從公親授洗竹法

移寓珠曹街與禮堂夜話

殘氈斷帙舊柴車畫裏卹夫子不如僂指桑柎幾度宿

五年光景七移居

予以壬申六月至都寓繩匠衛衙十月寓外廠衛衙僧舍癸酉二月寓

潘家河沿九月寓椿樹衛衙乙亥二月寓閤忠寺街六月寓橫街至是凡七移寓矣

積潦晴餘聚白沙新蒲雨後迸青芽荆高酒伴如相訪

白紙坊南第一家

刻燭論心水乳投廿年親串意綢繆前身兄弟機雲侶
仍占東西屋兩頭

圍爐燈火夜團圞丈室居然夏屋寬爨婢奚奴無彼此
兩家原當一家看

團焦小小類吳艘茶竈藤牀蠟屐雙先算安排筆硯地
棗花陰裏讀書牕

顯裴漫士少宰苑東寓山圖

太天尺五苑東偏
休沐歸來步履便
員嶠蓬壺在
人世風光真不數平泉

風前跪地萬垂楊
曲水橋通宛轉牆
不信軟紅香土裏
神僊仍占最清涼

樓外偏宜煙雨冥
西山竊窺入簾青
分明著色簪頭景
一幅天然好畫屏

趵臺西畔有新廬
履道坊南宅不如
公賜第在長安右門西
應爲

城居少花竹
天教銷夏此閑居

溫宜春夏澹宜秋
避暑方知此地幽
載得碧簫三伏酒

菱荷香裏蕩扁舟

斐几牙籤次第排清風朗月見公懷若爲評隲林居勝
應較秋屏閣裏佳

溫室從容造剡陳長源僊骨是前身金蓮燭外雙騶引
傲煞東都獨樂人

恭和

御製懷柔縣元韻

郊圻駐翠輿羽衛肅周廬初旭林梢出朝霞天半舒
紅螺峯繞髻白水溜通渠望幸諸童宴康衢定跂予

恭和

御製遙亭行宮對雨元韻

浙瀝遙亭雨空濛 行殿秋層峯疑半隱薄霧未全收
細溜松閒響飛泉樹杪流清塵應有意先爲灑山郵
疏疏還密密靜聽不知煩最喜連畦潤兼聞時鳥言天
當雨後爽節爲閨前暄明發 龍旂動先驅度塞門
四山飛瀑布一帶辨炊煙對景眞悠爾披襟益曠然
宸章裁綠字 御墨灑瑤箋預卜明朝霽羲和曉振鞭

恭和

御製出古北口詠古元韻

雄哉畱幹嶺設險有重關地控神京臂天連古塞山百

尋攀磴上一綫劃崖閒鉤抱長城峻縈回九折艱
唐家乘障戍漢使戴星還誰侶
皇圖遠清風鼓角閑

恭和

御製至避暑山莊卽事元韻

到處林亭宜入畫望來巖壑巖壑他激泓水侶空明鏡
峭嶠山當翰墨筵滿睨禽魚皆至樂會心艸木有真緣
昇平中外承嘉讌好待溪秋
羽葆旋

恭和

御製熱河啟蹕之什元韻

秋郊新霽啟行時發軫僊莊歷廣遠山路平開紅樹裏

人家半在白雲涯
輕風迤邐隨龍旆
曉日依微擁翠蕤
扶杖邨農頻額手
停輿問俗每遲遲

恭和

御製山店元韻

連邨結構總天成
半是山樵半是耕
疏櫛千條遮酒幟
澹煙一抹露柴荆
馬頭遠近青螺繞
木末參差候鴈征
有象太平宜入畫
豫游處處愜皇情

恭和

御製都爾伯忒台吉伯什阿噶什來覲封爲親王詩以

紀事元韻

納款弟從兄承 恩襲組纓渾邪泥首服疏勒革心誠
湛露三巡洽分茅五等榮 聖朝懷遠畧陋彼渭橋盟

恭和

御製入崖口元韻

不用河江遠結陁塞山歲歲奉 鑾輿四圍列陣雲成
幕一綫嵌空石仵閭小隊呼鷹羈脫蚤平岡試馬艸肥
初渠按諸部頻來觀翹首瞻雲恐後予

恭和

御製雨獵元韻

木蘭校獵何雄哉羽林萬騎如雲來批熊拉虎尋常百

況乃鹿友與雉媒 六飛乘秋一莅止長楊上林何足
擬亡覺雲頭冉冉迎有時雨腳垂垂起艸柔沙軟彌可
喜發蹤只如臂使指周官大獮典所詳 王道由來無
懈弛卽看一矢射天狼魚海洗兵兆應此

恭和

御製霜元韻

山迴寒偏蚤清霜亡降時白沙渾不辨紅葉最先知暗
拂昏鴉翅平添疏柳絲含豪傳 睿藻遙向五雲披

恭和

御製行圍卽事元韻

森巖羽仗自天來雨霽重嵐掃碧埃控鶴三千神策士
飛龍十二上襄材令懸旌旆和門合陣布風雲大幕開
共識聖人親講武不煩司馬戒銜枚

野闊天高九月秋伊松河上塞風道玉鞭亡指祥煙拂
紫幄初開瑞靄浮雲入望中皆瘡蕩山當佳處暫停畱
廣成欲進詞臣頌屈空慚短韻搜

彌山絡野勢分張變化神機自唐堂蕃部傾心瞻
仗降王泥首懾天綱握奇齊列龍蛇陣懷德遙迎日月
常顯見玉關西奏捷撓搶掃盡國威揚

恭和

御製蕃劍行元韻

清波淬鏑激寒塘流星迸采飛電芒細觀不類昆吾鑄
渠搜佗貢輸尚方天山之西雪嶺外重巖百折如羊腸
四衛拉特舊屯據夜郎自大矜豪強控弦十萬隨指喉
谷蠡左右紛成行就中有人最超捷雄視吐渾兼燒當
橫磨霜劍新出水按鐔四顧非尋常傳聞風雨匣中吼
恍惚變怪難具詳分爭廿載彈指過電光石火寧久長
此劍豈有神護守不隨兵燹俱銷亡一朝持獻詣闕下
從官傳視趨紫間由來神物歸有德什襲合備 天家
藏什襲合備 天家藏熊熊魂魂光氣騰未央

恭和

御製晚荷元韻

亭亭標格壓羣芳
秋晚猶開十里香
依約風前明月佩
參差鏡裏絳綃裳
僊肌自識能離垢
素節何妨獨傲霜
畫手崔吳應未識
溶溶祇傍玉波長

恭和

御製宴土爾扈特使臣元韻

重巖詰曲路極叉
行盡昆侖萬里賒
受吏願同烏弋國
承恩許賜綠雲茶
占風所至寧殊俗
懸度能通總一家
自是至誠無不屆
非關拓塞徧幽遐

恭和

御製雪元韻

亾淡亾淺雲圍幕空整空斜雪散絲始識僊居在人世
瑤田瓊樹只如斯

不愁落葉連山積還有餘花著色開雪後塞垣無隕景
天工畱待 聖人來

萬樹綴來珠的皪千峯疊就玉嬋娟此中疑到光明國
慧業重參清淨緣

恭和

御製允南省諸臣之請于明春恭奉

皇太后再舉時巡詩以紀事元韻

年年宵旰軫斯民載舉虞家典四巡長奉慈顏娛太
后克繩祖武繼高辛天低牛斗星遙接地入徐揚境
是鄰獻賦管時真忝竊重逢盛典感恩頻

恭和

御製固爾扎席火用唐韓愈陸渾山火和皇甫湜韻并
效其體之佗

玉關以外逾羌渾伊犁之水無盡源洪波滄淪自吐吞
上有祇林高以軒齋魚粥鼓香薪燔剝竿百尺凌遙原
部婁輒敢矜厚坤問誰規建來西垣瓦刺遺孽盜塞垣

彎弧鳴鏑窺花門張目不識扶桑暎爰爰者兎啾啾猿
嘯聚蜂螳驅魚鼃腐鼠漫欲同游鵲耿耿虎視兼狼奔
一傳而後彌自尊鳩材爰構祇陀園苾芻優婆類實繇
偏袒膜拜咀誦喧法螺鈴鐸閒箴墳蠢爾詎解參風幡
失笑何異蝨處禪梵相姝詭露肘臂鳩荼藥义刃挾輶
天魔鬼母弓垂韃人非人等牽朱幡唐門空爾颺風帟
神不顧響其脰瞞前年王師戊巳屯日照昭兮昭戴盆
蕃落鞠脰陳酒罇彼狡賢罪何可言煽誘黃帽心覆翻
干上帝怒難平反祝融承命頽兩暖除惡務絕其本根
一花五葉紛兒孫若冠有綏履有跽合掌不知報佛恩

迅掃惡業還真元轟礮砰礚不可援懲汝助逆并案論
雷車虹靺燭九閭青紅像設無畱瘡天意褻爾貳負魂
膽裂魄慄心煩冤犇竄大宛難久存宵無廬帳朝無燴
烏合數輩豈世婚王師再舉出堅昆布陣雲立還山蹲
怪鴟那許飛騰蹇渠魁斯得士雪怨誓批猘兪屠鯨鯢
大書深刻銘崑崙日月所燭警昧昏除殘不愁玉石焚
天人感召非虛煩迷瞶罔覺心爾捫

帳房四首

斜支布幕當團焦小幟風前各認標椽杙丁丁張鴈翅
奚囊一一卸牛腰破寒亡藝圍爐火趺坐眞成放帚寮

彷彿春江煙水闊
圍篷船泊短長宵

直將大地作蓬廬
野曠沙平展幔初
半面放開延月入
四圍密釘避風疏
道旁築舍成偏易
岸上牽船景畧如
家具比車還覺少
算嫌一日一移居

卷舒隨分占山坳
行處還從馬後捎
豁爾僂疑林屋洞
呀然只類惠施匏
三竿日出俄成集
五鼓鐘敲各打包
身任社前飛燕子
偶然得木便營巢

與我周旋有幾春
團欒鐙火夜分親
都嘗風雨冰霜味
長伴東西南北人
上鏡下豐伸腳穩
前軒後軒打頭頻
往來細把光陰數
鴻爪泥中幻亦真

潛研堂詩集

卷四

十

御試賦得夏雲多奇峯

藹藹層雲合蒼蒼遠嶂重垂天纔一縷拔地忽千峯
仵仵凌虛勢仍含出岫容卷舒排玉笏突兀簇芙蓉
卓立全開面光明欲盪胃懸崖疑侶鷲觸石宛如龍
萬壑空中落三山海上逢御園晴眺處歷歷翠微濃

送蔡葛山少司寇請養歸里

廿年稽古被殊榮清望西曹冠列卿海內文章韓吏部
昌黎田州部侍郎還吏部故云閩中人物蔡端明
由來勇退杞僊骨
是陳情出至誠歸到北堂萱葉蚤小春已見惠風生
起居八座古來稀樂地偏于名教宜綵服回風依剡下

板輿置酒趁花時一行帶艸康成里六首陔蘭束哲詞
祖帳都門傳勝事如公眞不媿經師

蔡少司寇觀海圖

騶行譚九州奇詭不可稽海外環以大瀛海阿誰津逮
窮端倪先生卜居近海上三神咫尺堪攀躋讀書要窮
萬里目官令局促同測蠡太武峯高接縹緲五夏直上
青雲梯天風浩浩海水立光明世界堆玻璃怒濤砰礚
自奔湧有侶萬馬爭鳴嘶海若游戲劇狡獪撞鐘伐鼓
振鐸輩須臾一輪出鏡面樽桑隱隱枝柯低茲游奇絕
足千古下視河伯猶醯雞十年移家住人海蓬萊侍直

趨金閨文成懸河瀉萬丈導源星宿注百谿夢游時落
滄溟外忘機欲狎鷗與鷺竭來一櫂賦歸去釣游舊跡
今不迷九十九山青滿眼屐鞋筇杖相扶攜壯觀重作
第二卷襄池珍重開黃緹

白珠巢街移居宣武門外顯壁

眞侶山僧慣打包桑椹三宿等閒拋勞如車軸無停轉
拙比林鳩未定巢市近米鹽喧百畔客疏塵土積堂坳
年來學得安心訣客到三閒卽樂郊

金鐘越秋江擁櫂圖

兩三株樹風瑟瑟四五尺水秋淙淙天邊賓鴈落幾點

沙尾母鴨飛一雙煙波寒襲笠小影猗玗子款乃舊腔
菊花黃酒獨自酌醉著高枕烏篷窗

送座主海寧相公 予告歸里卽次畱別元韻

清望朝端孰比肩溫公事業潞公年丹霄地峻擎中極
黃閣班高領列僊北闕上章陳雅尙東門祖帳賜華筵
春驅安穩三千里看徧江鄉蔗芋田

近光常被日華臨黃髮番番在禁林應變守文真相畧
立誠主敬大儒心明農歸太畱姬舄泖酌歌來矢召音
手補衮衣無闕事太平元老合抽簪

三朝珥筆侍彤廷舊種槐陰已滿廳絳帳論文清侶水

朱幡開府福爲星卷舒自在春雲藹衾影無慚夜火熒
儒術致君從古少韋平家世有遺經

午橋水伴珮環鳴丞相安車取次行到處吟風還弄月
陪游張丈襲殷兄黃花晚節秋逾潔海鶴精神老益清
料得平泉閑撰杖肯忘曳履殿頭聲

秦華高峯大海瀾樂全郎要九還丹千秋道脈承非易
一點靈臺畫亦難謝闕更聞頻晉秩詔加太子太傅賜閒未

許竟休官

特令不
必開缺

臨行鄭重

頒天藻袖有驪珠拜手

看

栽成桃李已經年得御龍門喜欲顛雪夜每參洛下座

菱谿常預醉翁筵清銜漫竊同冰冷學道無能媿火傳
遙望台星滄海上從游何日重殷然

海寧陳文勤公輓詩

赤舄三朝望蒼松百鍊姿獨能扶直道真不愧台司寂
寧還鄉夢淒涼墮淚碑它時言行錄應與富文垂

題盧紹弓編修檢書圖

書齋十笏清且佳丙丁甲乙牙籤排主人謝客門不闔
尙友直與先民偕丹黃鉛槧不空手盡掃風葉無纖霾
自從二篆變隸楷豕虎轉寫多參差有宋以來雕板盛
南閩西蜀逾江淮咄哉俗生不自量叫噪埒井官私蛙

金相鉅鑑私竄易坐使眞本墜沈埋以茲繆舛貽末學
猶以烏喙投積瘕日思誤書乃一適子才所見何其乖
先生博雅由天授上窺姚姒追皇媯百家七錄咸瀏覽
夜分雒誦然麻稽平生汲古得眞諦屏除俗說刊淫哇
觀書如月靡不燭素然洞中竅會皆刊誤眞笑李涪陋
正俗切與顏籀儕一紙僭鈔倘見許僦屋恰近春明街
送毛伊人檢討還萊州

同年五載又同官意緒纏綿有萬端忽聽驪駒初戒道
教人眞數別離難

著書善病亦吾徒膠漆酸醎畧不殊寂寥西窗舊時燭

夏誰主客諧新圖

金薤遺文世少知從君一一剖然疑不知天柱山南望
可有熒陽第二碑

石刻何人辨糾紛唐公德政拓遺文如何靜治堂中錄
只說萊州于府君

孤瘦真如病鶴身掉頭歸太理漁綸頭銜仍領承明署
未是行吟澤畔人

石鼓

岐陽石鼓其數十至今遺碣留橋門甲乙迄癸分左右
古色斑駁侔敦龐團團柱礎忽中斷纍纍覆釜當階蹲

磊塊面四佞杵裂彭亨腹果欲手捫鐫鐫歌詩垂不朽
三百字比干璵璠奎斗墮地芒爛爛蛟螭拏雲形蜿蜒
文斜時佗倒雄勢苦缺半露屋漏痕田車旣安宮車寫
右驂騑驪左旛旛小大具來樂天子吉日丙申蒐于原
麇鹿雉兔暨獬蜀其來趨趨咸毆奔禮成歸格禘嘗享
獻用太祝陳脈膳摛詞佖出吉甫手車攻常武齊肘距
況兼史籀筆蹤古天矯鸞鶴雲中騫蟲書禾穗沘始變
下視斯邈皆兒孫斤權毆丞強分別一笑辨口徒瀾翻
岫嶠禹篆跡茫昧好事摹拓猶紛緜銅盤殷銘壇山字
亞駝詛楚多謾言三代遺文漸漸滅欸忽過肥雲煙屯

巍然此鼓獨無恙四千年物能久存自雍移汴入燕市
歷恆沙刻如晡昏金石集錄此最壽獨立誰與爲弟昆
成均位置特帖妥潑檐大厦綠以垣鐘鏞栴簾共陳列
永鎮竹素千秋園平生愛誦韓蘇句橫空奇語恣騰掀
佗歌媿乏懸河舌布鼓敢向雷門論

送禮堂學士典試福建

玉尺真煩大匠持八閩迢遞使車馳目空已盡驪黃種
手植都成桃李枝朝望歐陽真學士文壇孟縣是宗師
僊霞嶺上新秋路天遣畱顒絕妙詞

奉 命典試山左出都述懷

容臺宣 詔出明光相馬真慚比九方濟上定多名下
士岱宗況是聖人鄉沙平冀北停行騎月落盧溝趁急
裘卻憶十年前此日蹇驢席帽大功坊

自良鄉南行遙望大房諸山口占

無心舒卷暮雲還百里諸峯鬬髻鬟貪看大房濃翠色
涿州南去更無山

涿州二首

舊宅樓桑在祠宮闕古苔千秋比豐沛遺恨不重來
潞涿君誰是狂生語太謾西州求士日何意思芳蘭

卽目

蒼茫平皋路停鞭四望餘乾沙疑積雪古道半成渠秋
思間蟬後人家剝棗初冷然風亡過殘暑已全除

白溝河

我行白溝河鱗鱗綺塍接遙見稷與黍有穗無一葉停
輿問田家蹙額久乃荅飛蟲肥者來紛若蝟毛集葉傷
心已枯安能結寸粒之蟲夫何知蠕蠕仍戢戢風露恣
汝餐謀食胡太急中飽曾幾時撲滅行自及物性固如
斯令我增喟喟

過河間城外居民有種棉花者

吾鄉木棉大于蠶每到秋收闢比鄰今日河間城外路

眼明如見故鄉人

贈梁秀才用梅

秋碧風流擅一時謝家玉樹有孫枝門才共數烏衣巷
藝苑新傳白雪詞清似冰壺真見底澹如春竹自多姿
揆奇況具歐陽癖響掬摩挲辨色絲

梁秀才以秋碧堂帖見貽賦荅

泰山流落一豪芒過眼雲煙詎易忘自到平泉畱祓本
人閒不數戲鴻堂

東方朔

奏牘三千墨未乾歲星幾載住長安一囊奉粟饑須忍

怕他將軍食馬肝

匡衡

說詩妙處解人頤牢石同朝默不知但服儒衣稱醜藉
李微陳惠亦饒爲

荅醫者

人淺生遼左補中功殊特一莖重五銖白金一鑑直良
醫憫我衰苦勸厲聲色家雖無甌石孰與身命亟假貸
猶足支何苦自遶齋服之勿遲遲後悔無終極再拜謝
醫言生外匪藥力上藥果活人誰游不外國維揚富家
翁儲羨當尊食用之或失宜大隄在頃刻昨聞田家嫗

百歲髮尙黑有病不求醫三椀眼未識

多病

多病方求道端居且避驚無心調息訣不寐讀書宵
以柔難傲松因勁後凋南華養生主第一是逍遙

題張憶孃簪華圖

圖藏補谷荆氏

裘履風流宛舊時綵雲化太杳難追何人解喚眞眞畫
有客爭題好好詩

一枝春到髻雲邊盡道呈花臉夏妍不遇才人洪玉父
千秋那得小名傳

珠喉一串案紅牙好事爭迎油壁車怪煞休文歌六憶

不曾相憶到簪花

春風繡谷列金釵細步纖纖引上階六十年來傳本事

青衫紅袖說蘇齋

我有青衫無限淚與君紅袖一般多蔣樹存題句也

潛研堂詩集卷四

門人黃鍾校字

潛研堂詩集

卷四

六

潛研堂詩集卷五

嘉定錢大昕

回部蕩平大功告成恭紀一百韻

西極功成 聖武揚紫宸稱賀集冠裳黃圖遠闢堅昆
塞朱鷺重歌魚雅章日運萬幾逾業業星馳八陣總堂
堂神謨有濯高二捷盛事無前邁一匡纘序 兩朝欽
至孝宣威往歲定遐荒天山雪霽銷烽堠碑嶺霜寒試
劒鉞執誠虎臣齊矯矯射生騎士竝泚泚屯田已過伊
犁水乘障無煩都護防渭上呼韓初築邸殿頭頡利許
擎觴靈臺測景分昏旦重譯占風共享王勃律陪臣瞻

日角洛那侍子觀 天闕傾心內向同葵藿汗血牽

徠盡驕驕大閱和門旗正正山莊曲宴露瀼瀼三階常
朗星從斗八表攸同綱在綱翮彼飛鶚猶會甚蠢茲黠
鼠漫跳梁花門櫟種原無定大會分支杳算詳俗尙高
車傳自魏派承回鶻行由唐兩會項領依蜚蜚窮塞么
麼轉蛄蜺俛首頻年隨籠絡推枕一旦脫銀鐏何期狼
子心終野俄見螳螂臂已攘伏莽頓施蜂蠆毒控弦欲
任鷺鳩搶六軍聲罪詞嚴正七萃適行氣激昂分遣材
官傳羽箭還否典瑞下牙璋上襄齊騁金羈勒小隊爭
裁鐵柄櫓初抵庫車申討伐羣看禁旅競騰驤摧枯屢

振稜威壯漏網翻令小醜颺改命師中謀上將爰攜麾
下度連岡鷹揚衛士材無敵燕頤元戎勇莫當傳檄諸
蕃宵惴伏款關百部效趨蹌阿蘇郭外浮醕酪烏什城
邊獻柝漿鄉導前驅援虎穴諸軍滾入歷羊腸奔麋踪
伏應無地瘞犬殄獍尙逞狂四面崇墉遙屹屹一麾徑
渡正茫茫流星隊隊鳴鶻急掣電聲聲激石強奪藥甫
徵人伉健揮鞭偶值馬元黃列營仍占層峯險築堡旋
當黑水傍懋侶岳家軍不動守如墨翟應無方連宵格
鬪空拳勁排日麋兵擊鼓鏜不數耿恭求井拜還勝道
濟唱籌量軍書絕域傳郵到 庶畧先幾握算良五校

剋桓已蚤發八旂健銳各分行蘆笳響遠吹邊月鐵甲
光寒踏曉霜兩月兼程經瀚海先春轉戰度河湟前茅
票旅紛超距後隊驕蹏亡脫韁入夜斫營風獵獵平明
合隊氣橫橫徒跣突髻徵吾壯隴種籠東晒彼恒其計
大勛倖破竹始知秘策比接囊休兵暫命三軍駐制勝
誰能一旅亢投石驍騰交習關飛芻絡繹每因糧裹餽
餉處頻盈橐抱布歸時恰滿箱畧地和闌揮短稍屯兵
玉隴奮長槍遙知山壓無完卵蚤見瓜分剩破瓢引短
鏡中方悚惕游魂釜底益倉惶驚弓漫訝飛鳶墮鉅險
俄傳駭鹿忙遠挈妻孥行不盡攜輜重走踉蹌名城

次第來降表伯克趨迎夾道初日月無私歸所昭雪霓
有象久相望酒漿戶戶盛樽正糗果家家載筥僅樂德
其間歌宛轉承恩翻使涕淋漓浪迭疏何幸霑 皇化撫
字重煩奠此疆令甲新頒人皞皞先庚申命澤沕沕丁
中黃小皆登籍黍稷梁楸競築場吉貝花蘇勝南粵蒲
荀子熟侶西涼青蚨改鑄司農式赤鉞仍輸少府倉遂
使窮荒分尉候長令編戶樂耕桑犁庭已見龍沙靖躡
影難容獸迹迅捷比票姚征遼濮健跡充國定开羌衝
堅竝放千鈞弩剷逆爭持百鍊鋼突騎登山凌截梟神
槍臨淖震雷礮千夫賈勇登孤舉萬眾呼降龍靈張楚

兎投林空趯趯飛蛾赴火漫倏倏還方延踵咸歸化蕃
部同仇共侮亾捧檄纔教擒契榆援戈親爲殪封狼三
驅官使前禽失壹發頻看大兕戕疏屬尸方械貳負專
車骨已折汪茫堵喉眞快人心憤懸首還將國法彰進
表稱臣趨魏闕訊囚獻馘到虞庠從茲遺種蠲芽蘖永
見新畬絕秀根露布明駝馳遠徼星躔候琯應初陽握
樞乙夜垂衣肅送喜千官佩玉鏘師克在和嘉眾帥功
成惟斷仰吾皇天休滋至時難失祖烈丕承勳必
臧直拓提封周二萬獨懷大畧軼尋常園壇昭告瞻
闕若清廟升禋倍肅將諷曰陵園陳幽卣分曹獄

鎮禮琮璜百神咸秩隆儀舉

三殿親臨鉅典煌

聖

澤普霑高以厚

慈寧齊祝壽而康南薰解慍仁風扇

北陸迎長淑氣翔異數酬庸增嚴秩近郊宣勞奏笙簧
析圭已荷盼茅土賜馬羣看簇繡瓊蒲海沙平明侶雪
于闐玉美白于肪洗兵欲輓鉞河水度索應通濠汜鄉
鉅製伊西鏡壁嶂鴻文太學炳琳琅捧來薤葉芝花潤
拓取鋸鉤鐵畫裴允矣豐功垂宇宙咄哉浮議沸蜩蟬
一篇特啟羣言惑五載眞勞 睿畫長燕翼有謀貽

列聖至誠所感協

穹蒼乘乾惕惕惟無逸保泰孜孜

自不遑豫順行師功算尙謙尊下濟德彌光宣饒願諧

昇平曲拜手陳詞獻未央

已卯除夕

謬占金閨籍于今歲八除思親頻佇望報國愧迂疏
病久無良藥家貧少異書光陰敲石過太息負三餘

初春懷鄉襟詠

郭澤塘南顧浦西

水東日記范石湖爲李結記潘塘浦云浦有五曰新洋江曰小虞曰下張

曰顧浦塘有三曰郭澤曰七曰至和

吾宗四世卜幽棲肥田屋後秧針

細漲水門前蟹籩齊市小數家成一闌酒醕有戶偕偏
提官租輸了無宅事饋歲紛紛筮桼攜

土風瑣碎記邛岷故老相承例莫要飯子驅邪蒙紙面

銅童祀竈焚燈檠支門炭取長身立印砌灰偏巧樣呈
拜節家家總相識不須半刺更通名

人家大半住茅茨木几藤牀位置宜黃皺香櫺褰定武
紅凝天燭插軍持春風游屐徐公浦夜月神絃英布祠
吾鄉以英布爲土地神傀儡登場纔過了盲兒遮算又彈詩

人日元宵興不孤小時了了記歡娛燒燈巧解藏頭謎
對局偷拈謁選圖潘安蹋歌宵按板陳孃貰酒午當爐
橋東巷北嬉游地二十年來夢故吾

題倪敬堂同年西谿採梅圖

桃李漫山未足珍橫枝數點逗先春天然清瘦非凡格

比侶先生骨性真

橫空嫩蕊簇疏枝彷彿西谿入夢思共羨餘花滿頭插
幾人賞到未開時

僕學君家世澤流黃門介操憶當年七清妙墨依稀在
要與茲圖一例傳

恭和

御製三月朔日御殿定邊將軍兆惠副將軍富德等率
成功諸將士朝謁詩以紀之元韻

金殿晨開鴈鷺排六師大獻懋歌皆分茅列殿周三等
舞羽敷文舜兩階蕩蕩天門初日啟依依楊柳入春佳

行閒將士羣羅拜共喻投醪 聖主懷

恭和

御製上巳日凱宴成功諸將士元韻

八首

青郊宣勞禮言旋王會新開西海濶五載豐功天祐

聖萬全成算 聖因天洗兵魚海龍沙外張樂流觴曲

水前嘉讌昇平當此日春臺何地不熙然

滄蕩韶光春事淡連茵曲宴集華林食苹鳴鹿來郊柳
在藻游魚戲水潯九奏鈞天人既醉八風妙舞樂難禁
手槃瑤尊斟初徧要識分甘 聖主心

玉闕新柳正垂垂壯士長驅入塞時犒賞百千沾閭澤

登咸三五慶昌期
鏡歌試譜伊涼曲
鼓吹新翻灼資詩
繩武由來迨祖德
百年豐芑念畱貽

屈指師行暨凱旋
輪將幾歲荷除禍
握奇乙夜義軒
畧推轂三軍衛霍權
往矣冰霜酣戰地
來思花柳暮春天
回中伯克全歸附
葱嶺西偏執訊連

瓊筵曉啟趁芳辰
飲至論功契命申
五等析圭先燕領
千官獻壽近龍鱗
卻從蚌甲藥弓日
爲念披堅執銳身
感激一時齊額手
臨觴猶軫結纓人

生長行閒荷聖憐
從征親到雪山邊
眞逢采玉于闐
國快覩竿頭涿鹿年
拔幟名城誇翹捷
執殳絕徼盡精

堅卽今秋杜歌成口譜入南薰叶舜絃

纏頭別部向風歸羅拜華桐初日暉盡識軒轅通道遠
方知光武閉關非金人捧劍剛修楔玉塞韜弓遠集襪
大食刀環爭入貢天戈從此已停揮

三日風光朗夏清禮成上壽聽呼聲勛名眞見圖麟閣
賞勞頻煩酌兕觥錫宴周京多受祉詰兵禹迹克方行
欲知討叛綏邊畧保泰 淵衷在不盈

恭和

御製塞宴四首

名馬數百皆龍媒牡者四驪牝者駉誰其騎者惟嬰孩

控之曾不施銜枚神鎗一聲殷若雷翻身上馬寧徘徊
風雨驟至急箭催砰礚振蕩何喧沚直下峻阪凌曲隈
四蹕飄瞥無纖埃二十里外往復回如響斯應彈指纔
就中卅六尤傑魁觀者叱舌驚且哈詭馬舊俗有是哉
至尊顧之歡顏開宣敕頒賞陳觥疊名藩小大紛具
來拜手敬進萬壽杯

右詭馬

天淨秋高張大幕頭鸞宴中什物作蘆笳羌笛應節鳴
亦有箏琶襍絃索將進酒遠如期當筵自奏樂府詩
陛下之壽千萬歲東臣元菟西月氏前有緩聲後有促
拍颯颯入巨太古音不減擬金與拊石敕勒企喻古所

傳曰狼慕德共勉旃況今龜茲諸部盡內屬西涼散樂
更進破陣篇

右什棣

高秋曲宴紅糴鋪布庫之戲古所無壯士脫帽膽氣麤
先聲直欲吞於菟空拳搏蹕兩兩俱騰蹕擲振百變殊
角力以智分鎗銖失勢一蹶愧弗如何人得雋酌以觚
整暇自謂可賈餘彼哉厄魯亦善鬪坦腹跣足不巾袖
老拳怒臂發以驟使氣氣出若饋餽強者植立弱者仆
伏而盪腦亟相就屈肩著地昂其脰有覲面目悔大繆
勝負旣決斯放手曰四衛拉俗之舊吾 皇顧之樂且
康何以予之蒸黃羊天廚禁嚮大噉他以手爲箸腹爲

囊鞠脆再拜頓地搶食指不動已十霜一飽何幸在

帝旁

天章頒示紀事詳昇平同樂誌不忘

右相撲

平原如掌水艸肥驅來駿馬各不羈減陽第方類自別
升甌上阪隨所爲誰與少年雄且傑短後之衣長竿掣
翻身走馬疾于飛欲使生駒就銜繼雕鞍繡勒色樣殊
控繫未及跳擲俱有如負奇跣跣士偏強不受人間拘
飛揚跋扈驥且急有時稀突他人立乘閒直上跨其顛
持之以暇久方習八尺曰驥七尺騾追風躡景游八垓
乃知駕馭得其道上襄詎乏飛黃材維咎周官訓馬政
佚特攻駒順月令卽今塞北多名藩善馬調來千里騁

至尊九月行獮田割鮮行賞排長筵度人閒試教馳
汰小雅兼陳攷牧篇況聞天馬徠西極大倉康居歸有
德不是 君王神武姿絕域安能服羈勒

右教馳

恭和

御製行圍元韻

平林呦鹿自銍銍六轡安行不動塵疊嶂環來成帟幕
周防結處儼城闔材官共試批熊技蕃部新攜回鶻人
咫尺 天威齊額手塞垣肆覲拜 恩頻

舍茨張羅各有司名王扈從遠如期天開靈囿規模壯
山入溪秋眺覽宜壹發其欣威遠振三驅仍示惠兼施

承平詰武還終遠豐芭貽謀監在茲

恭和

御製哈薩克使至俾觀圍元韻

葱嶺西偏逐艸居獻駿久已隸方輿六師韎韐歌瞻彼
萬里郵籤蚤跂予特赦陪臣從捺鉢重教獵士布周陲
漢家漫詔長楊賦蕃使來觀詎有諸

九日同習庵舍人叔華上舍晦之弟游城南登
陶然亭

不到城南五載餘軸簾眞侶蜀巖居登高偶趁重陽節
結侶同乘下澤車淺水牛涔經雨後遠峯螺黛勝春初

聽來吳語真多味曾是當年共隊魚

十笏閒亭曲徑旋到來便覺避喧闐三秋鄉夢囊裏後
一段詩情落木前廢廠尙傳宣德樣古幃細認壽昌年
卻輸扈從灤陽客直上興安絕塞巔

謂禮堂
光祿

送孫勛堂之官皖江

曲江簪取一花新便綰銅符出牧民名士何妨工製錦
甘霖況是果隨輪底須諧自山陰授會見名逾漢吏循
說與孫廉兩字訣它年惠化定如神

荅施鐵如上舍見贈之作用山谷東坡贈荅詩

韻

寸田不自耕坐成荆棘場活水來有源斯涵千頃光眾
卉亦蒼蔚所爇蘭蕙香幽谷本無言登之空巖廊彼美
淮東彥抗志追義黃詞壇趙幟拔道味伊俎嘗置身百
尺樓白雲翼其旁自立良獨貴勿爲遺俗傷

下里久眎目泠泠聞古聲郢中引商羽領人歌榛苓三
歎竟此曲愧非鍾期生金斷本同心萍合乃異蒂相賞
自有真詎以形迹計昌黎有遺言雲龍願相侶

冬至齋宿題壁

僕被奚囊載滿車迎門呵殿吏人譁冷官公事常多暇
逢著齋期始到衙

煖炕騰騰石炭薰呼童拚掃去塵氛詞垣資格皆前輩

促剋相從話夜分

謂吳易堂朱石君秦澍泉三學士周石鵬侍講

東廳槐樹老輪囷偃蹇離奇不我親太息誰能如汝壽

空庭閱盡去來人

待詔廳事前古槐一株蓋金元以前物

正月二日夜雪用東坡聚星堂韻

茶爐半熄始展葉夜窗手點浮綠雪開門密霰已滿庭
狂呼失喜冠纓絕軒轅忍寒肩輒簪柴桑習懶腰愁折
松枝插戶壓漸低鐙影搖空暗欲滅生涯碌碌風輪轉
歲月堂堂電光掣頻浮薊北柏子樽苦憶江南梅花纈
停車遠道空滯留歸夢殘更付睡肩詰朝初旭雪半消

石言集卷五
二
侶有仍無只一瞥空中色相定何著文殊師利猶多說
優須參訪不二門願我舌根鈍于鐵時有扈從五
臺之命

恭和

御製恭奉 皇太后謁 泰陵因至五臺瞻禮卜吉起

程得詩八韻

孝治協人天重光 帝德宣上 陵崇漢典肆觀展虞

年演法參師利延 釐紀握先啟途張翠葆初日出黃

縣官路西郊直人家東化優摩雲山疊疊迥露艸芊芊

已致登三治還尋不二緣承 恩諸父老額手屬車前

恭和

御製過蘆溝橋元韻

西陸朝覲將出冰 六龍夙駕官道平鼓車記里未一
舍長橋翼然自谷稱渾河西北來厥性善遷徙酈元所
記載曩跡半湮矣上游多山下平衍所難不在首在尾
至尊指示周且詳疏濬有方勿旁誘從今永永慶安
瀾永定之名不虛百

恭和

御製良鄉行宮晚坐元韻

吉行五十首 駐蹕暮色自遠蒼然生寧波孤塔湧香
界艸顚兩峯抽筍萌有滄雲興未成雨艸木欣欣如有

情行齋清永供 宸賞景物到睨皆空明卷阿游歌詠
爲樂無非事者春省耕

恭和

御製見新耕者元韻

桺梯初綠麥苗滋有事西疇及是時二月幽風人舉趾
分明粉本馬和之

新畬如罨足遐觀蹂踐頻聞戒從官萑葉杏花農候蚤
一人春省萬人歡

焚香夾路拜 恩齊扶挈瞻然與鼎分欲識太平真有
象煙中簑笠雨中犁

耕鑿堯民作息均不須布穀巧催人臘前三百春初雨
好協維魚吉夢願

恭和

御製直隸總督方觀承奏報易州等處得雨元韻
陣雲如墨勢方酣滋液燕南又易南天遣雨師先灑道
人迎日馭望停驂丹邱不遠誠能格綠壤均霑樂
且湛欲擬載芟良耜頌小臣橐筆祇懷慚

恭和

御製永慕齋墨舊作韻

橋山咫尺搆宸居

宸居

帝曰精誠庶鑒予天綽依依通

旭卉 皇風皞皞繼羲遠永言弓劒心恆慕如見羹牆
境豈虛入暮廉纖將作雨八神先路爲清除

恭和

御製謁 陵禮畢載啟西巡瞻彼臺山祝茲 介祉元

韻

麗農瑤室占高涼 親祝 純釐孝治彰五百僊人行
教地三千法界大慈光 金相啟處祥雲擁玉燭調時
化雨長天保九如天瑞協至誠昭格 聖心懷

恭和

御製曉煙元韻

暮山含紫九秋凝春曉看來景最勝澹似游絲飛不定
濃如蒸餿氣方升柳容新沐黃千縷麥氣微烘綠一塍
山市人家貪起蚤炊煙隱隱出高陵

恭和

御製日日元韻

吉行日五十羅拜盈馬前十年望 幸心何異望歲焉
雨陽旣時若耕鑿皆安便 詔書免正供觀者杖屨駢
出佗入而息不知何以然三多祝我 皇庶符觀華年

恭和

御製曉行卽景二元韻

曉雲發黦未全晴
邨屋炊煙次第生
貌出山居農作景
人從摩詰畫中行

巖巒複沓路回斜
蘆荻初芽柳未花
陌上豚蹄春賽社
堪嗤持少願偏除

一帶嵐光繞遠坳
好山在望玉鞭停
恰從拂霧籠煙處
全露霏藍翕黛形

甘澤依旬候不遲
歲占大有要何疑
伊祁山下倉箱滿
遙祝千斯與萬斯

恭和

御製曲逆故城元韻

遺封猶是壯哉城阿世難逃身後評但割膏腴肥諸呂
笑渠分肉那能平

反閒徒誇沮范增第功畢竟遜陽陵美如冠玉中何有
變理陰陽或未能

恭和

御製頤懌適齋元韻

行旌小駐古渠濱猶是伊祁舊俗淳峭嶠山容眞入畫
霏微雨腳不沾塵唐河九折窗前見隄柳千絲檻外春
別有愜心嘉景在堯民擊壤望 堯巡

恭和

御製復雨元韻

極望重巖又作霖春鳩喚雨杏花陰雲容靄黯低猶濕
樹色依微綠漸深古道衝泥添滑滑懸崖濺瀑尚淋淋
天膏卽是君膏澤誠意相孚在一欽

恭和

御製降旨免宣化府屬民欠詩以誌事元韻

體仁以長人義在易春秋有孚占元吉是惟益下優渥
易洎恆代玉輦首經由復除眚頒詔後樂常先憂
猶恐地僻左或致向隅不延訪咨大吏尺一下置郵災
黎所逋課調放無徵收二月春始和好鳥鳴粟畱山田

耕及時樂哉助以休龍門亘赤城眷欲給所求耕三可
餘一勉旃足食謀

恭和

御製雪元韻

二月十九日

臘前瑞雪占三白春蚤甘霖慶九農
泐駕漸臨香界
近天花先灑翠微峯

簃簃六出點行旌茅屋依稀是雪坪
一望千山皆玉立
天工渲染若爲迎

藻思禪悟兩相期萬斛源泉千首詩
一片輕靈飛几案
金壺初試剡藤時

踏雪扶犁未少休，
邨邨叱犢尙鳴牛。
勢山駢石皆宜稼，
何論三施更五猶。

恭和

御製停蹕元韻

暫止仙人駕，
師紆陛楯勞。
濕雲迷霍霍，
對遠岫羅周。
遭一宿，
停清蹕，
千屯儼列曹。
幾餘吟趣洽，
斯咏復斯陶。

恭和

御製晴元韻

連朝兼雨雪，
此日喜新晴。
古道山腰轉，
前旌樹杪行。
平疇猶帶潤，
細艸已滋萌。
遙指周廬台，
紅雲拱幔城。

恭和

御製阜平道中作

積雪澹于一幅練鳴泉清入五絃琴人家半在山溪處
遙見炊煙出柳陰

一邨欲盡一邨連風景分明似輞川父老呼兒課東作
無過鑿井與耕田

龍泉關外駐輕驂咫尺僊山路舊諳天外數峯明霽雪
清涼世界靜中參

派河上漾麴塵絲仿佛僊源異境移好是杏花菖葉候
春旂遙拂柳梢時

恭和

御製三箭山疊舊作元韻

豐碑細射舊曾聞天錫 仁皇勇出羣飛鏃同時寶疊
嶂呼嵩萬歲動千軍霜濃白羽三成勁斧劈青巒一道
分今日 神孫重繼武王弧親試氣如雲

恭和

御製射虎川元韻

一綫雲關峻嶺前當年射虎尙名川唐弓親輓 神如
在夏諺來游事宛然 祖德懋貽以燕翼 皇心克紹
若稽田卽看按穴恢天網葱嶺西頭振旅闌

恭和

御製自長城嶺至臺懷再依 皇祖元韻

龍藏載五頂演法自曼殊眷屬一萬眾東來歷雲衢大
啟功德門示以清淨途各各生歡喜合掌寶號呼微聞
千花塔鈴語清于筭 時巡視 純嘏詎爲游觀娛長
城垧兮軋曲徑繚而紆清涼境不遠天開靈異區彷彿
常喜國室利之所都五朶青芙蕖可望不可圖神鐙夜
光見地菜汰雨濡天人跨後貌妙手徒形楫百千億化
身非有亦非無

恭和

御製殊像寺元韻

不二眞如相何曾泐報殊圓光融指月妙諦悟衣珠棲
鵲禪王窟乘猊道子圖天花迎羽葆咫尺卽雲衢

恭和

御製顯通寺卽事元韻

演法遙居七祖前金身入夢憶當年肇開震旦獅王窟
宛侶靈山鷲嶺天二度巡臨祈介祉十方供養拜
瑤筵成虧彈指分今昨戒慧還須積寸田

恭和

御製羅漢坪元韻

妙相三十莊莊巖誰能過各生歡喜心受福詎不那何
人寫殊像永峙山之阿諸方護持者天龍摩睺羅佉聞
梵夾書名號各異科八百與五百沿襲多紛訛況此缺
其一聊足笑且呵本無我人相分別作甚麼

恭和

御製眞容院再題元韻

上方雪初霽寒意倏已退止 輦禮花宮像設妙于續
三十二好相如月圓不晦是真見文殊歡喜復還憶百
牟尼珠圓八功德水漑聲聞辟支乘誰能企頂背

恭和

御製閱武元韻

展義臨三晉乘時習五戎山連恆嶽壯兵練代方雄赤
羽和門日朱旗列幕風九重親教閱不數被廬功

恭和

御製棲賢寺元韻

三峽匡廬勝幽棲畧侶之應真飛錫舊上足付衣誰枯
坐能離垢繙經且忍飢由來儒釋異親爲剖然疑

恭和

御製降旨免山西前歲民欠詩以誌事元韻

迺釐禮中臺問俗溥宏惠正供減今年溫綸宣德意

載咨司農臣重稽格外例往者值偏災曰惟單閼歲民
欠權倚閭爲軫憐瘠地茲來全豁除十行 詔遐暨鴈
門功德峙汾水恩波逮祝 聖轉金經佛日四表被

恭和

御製游千佛洞得古體四十韻

宗門心卽佛立說簡而約云何有千佛誰解此理竅清
涼眞佛國僊洞鑿崑嶠得毋五丁手扶幽力排昇沿谿
向右折十步九回拗始達若入窰漸深未撤淖奇峯各
羅列如鵲或如鶴兩臂援攫拏一足夔跼踔遠望目已
眙下臨心更燒洞口闐然豁神鐙夜光搖中有諸佛像

膜拜來四微世尊說大乘迦葉示微笑藥叉魔波旬各
各護持效目犍富樓偈大德修行劬不二啟法門文殊
提其要騎象誇狡狴用輿與轎一一具好相詎有脾
肥詣千佛本一佛心性人各抱三教理同源我皇竝
溪适春巡歷臺懷晴雲披絮帽四禪透宗旨掃除儒釋
關因過白雲寺遂指西峪厝甘露功德水滿月天人貌
精舍樸而古秘洞竊且窅直上試輕驄寧辭路回繞卻
登絕頂望積雪四山曜法螺鐘磬聲靜中間大樂叶山
田麥抽萌卹舍粟藏窖占豐察璇樞祝釐闡象教山靈
茗蒿呼洞府供宸眺宗鏡微乎微傳鎧道可道豁光

皆空明谷音自清妙天工巧渲染著色非意料紺字列
如麻茲焉獨幽峭付戒馬駒踏離怖鴿王叫子茲托新
詩泠泠鈞天調造化運爐錘理蘊入燭照小臣叨載廣
下里望莖韶叶追趨豹尾後異境媿未到韻奇已迫窘
況欲窮禪奧

恭和

御製題陳規守城錄元韻

從容應敵竟全城一局殘棋話汴京大厦詎能支寸木
良醫未可恃黃精金湯無德難爲固輓輒非人何以行
天語煌煌垂定論先幾算待事將成

恭和

御製題宋中興聖政艸元韻

和親何至以臣稱往事堪嗟宋紹興汴洛劫灰全不計
汪黃推轂已同登兩宮竟絕還歸望一策空矜魯動能
半壁偏安慚袖手長城自壞憤填膺漫言五馬南遷匹
幾見三軍北伐曾內禪得人差足慰詞臣歸美例相仍
爲尊者諱詞多曲允執其中愆必繩大矣 皇言褒貶
正千秋公論式欽承

恭和

御製經畬書屋卽事元韻

六經教士各專治四庫新編 聖主時甲乙丙丁統所
部校讐繕錄慎攸司哲王道在惟欽若諸子言清必辨
之日理 萬幾還學古健行以造物爲師

恭和

御製游獅子園憶舊元韻

游賞卷阿管日陪園居仍對碧峯開羹牆見處皆思聖
心性渾然不改孩 慈孝一誠常默感因緣有觸記從
來世尊法會眞如脍餅水天雲絕點埃

恭和

御製鹿角椅元韻

五紋岐出質猶全想見 仁皇射獵年囊建虎文兵不
試椅名鹿角用長縣欲存大路椎輪儉詎鬪雕文刻鏤
妍手澤依稀 神鑒在 文孫繩武志殷然

畱王快鎮座主少宗伯介公有詩紀事次和

天教十日住鞭絲侶與谿山有夙期古寺半藏雲斷處
好花全放雨晴時三成官竒穿楊捷一隊征甌踏雪遲
行帳追陪真是樂夜來頻醉百分卮

三月朔日疊前韻

日飲無何但學絲匆匆又過禁煙期折花紅杏淡邨裏
遶石清波激澗時山未知名看亦好客來不速話偏遲

同年小集今朝是遙憶芳醪倒屈卮

每月朔同年諸
君例有小集

憶五臺山三疊前韻

清涼峯色翠如絲欲見文殊那有期靈境雲封全未識
鈍杙棒喝定何時但求達磨安心竟不礙豐干行腳遲
會得菩提本非樹可容無當也名卮

三月三日自曲陽入行唐境途中杏花盛開四

疊前韻

上巳煙光颺柳絲此行未負杏花期偶來冀北滾邨路
大侶江南細雨時每到繡枝鶯語密怕防落蕊馬蹏遲
陽足若許隨身挂一朵眞宜飲一卮

座主宗伯公折杏花一枝插行帳茶鐺中至晚
盛開有詩五疊前韻奉和

伴取爐煙細細絲撈花供養趁花期瓊帷四面畱香地
茶銚雙清吐蕊時著色還須崇嗣畫尋春眞笑牧之遲
一枝何幸隨桃李也到公門侑玉卮

奉酬宗伯公見贈六疊前韻

清如冰夏直如絲坐我春風一月期燕許文章推後輩
崔盧門第冠當時八持玉尺衡材富雙引金蓮歸院遲
獨愧散材同社櫟縱經雕刻不成卮

眞定府隆興寺七疊前韻

林立豐碑認色絲巍然傑閣俯崇期遺文猶識張公禮
姝像難描李伯時綺語多生消欲盡機鋒百偈轉空遲
醍醐具足清涼味未要花前白雪卮

游蓮花池八疊前韻

激泓十頃麴塵絲邂逅清游慙所期巖壑宛成千里勢
煙花況值暮春時游魚吹沫涵空樂浴鳥梳翎點水遲
一事尙畱餘憾在不曾池上舉三卮

懷鄉九疊前韻

春筍秋瓜夏藕絲齊民月令有程期客來但乞澆花汰
僮約頻申曬藥時頗解著書師蔡癸也曾學圃問樊遲

大瓢五石原無用只合江湖作巨卮

寄顓雪浪石用東坡韻

彈渦空復說登州那侶雲根湧急流四面空嵌銜石骨
一拳凹凸激潮頭玲瓏明月懷中貯透瘦襄陽裏裏收
咫尺波濤來眼底渾疑朝暮見黃牛

送李茝畹進士東歸

籍甚詞壇第一流御風曾未到瀛洲揮鞭重指都亭路
又逐人間款段游

截鳬斷鶴兩兼難天許才名折美官半刺但題前進士
故應蚤達勝方干

我識鄭公元斌媚人嫌李令太穢唐雲門山色空高臥
大勝東華軟土牀

古柏參天鐵榦成風霜歷盡骨逾清縱然才大難爲用
偶露文章世已驚

蠶尾山薑例可循頭銜未辦領詞臣生天偶落它人後
終是拈椎得髓人

岱宗訪篆劉斯立歷下題詩李泰和揆俗十年多暇日
著書定較往時多

中秋後五日同錢坤一侍講王琴德舍人曹來

殷蔣漁邨二庶常過大悲延福宮

傑構出雲端三元舊戒壇延禧資母后董役出中官

明成

化中孝肅古壁丹青繪虛庭枯柏寒豐碑猶未圯剔藓

幾回看

殿外有成
化救諭碑

苦雨

翻盆伏雨接秋天
避漏移牀夜少眠
瘦柱壓敲支未穩
殘書徽漬曬無緣
艸生屋頂多于薺
車到街心泛若船
一事差強人意處
久稀剝啄至門前

顯韋慎旃舍人翠螺讀書圖

牛渚山頭月蛾眉亭上風
謫僊已千載高興古今同
鐘響夕陽外書聲老屋中
誰能識此樂毋乃逍遙公

題汪對琴博士後譚藝園

識是詩人骨相寒瘦羊分得供朝餐偶然泥上畱鴻爪
傻與人閒重此官

白雲明月悟前身諫果甘回味始真三百年來得同調
阿誰譚藝侶汪倫

過歸義廢寺

一泓古井兩株槐券尾比鄰署宇皆輾轉模糊埋碧蘚
古幢剝落臥空階老僧持鉢身全病過客尋碑眼獨揩

聽話閒坊宣化事剎那興廢漫牽懷

寺有彌陀邑特建起院碑載咸雍元年

賣地券云今賣自己在此宣化坊門裏面街西小巷子內空閒地內有井一眼槐樹兩株未有東鄰南鄰西

北鄰人姓名又載寺所藏畫像大小磬燈九壇輓燈四
壇云云又有石幢仆地其一面云會同九祀龍集敦牂
亦遠時物也

移寓

幾度柴車輾轉行喧囂爲避市人聲門開一面西山對
庭敞三弓夜月盈新燕呢喃邀作客古槐磊落事爲兄
玉虛道院南鄰近時有天風度碧笙

藤牀木几手揩摩洗足關門耐養病巷僻最宜生客少
家貧猶蓄古碑多先生自署支離安前輩曾頤安樂窩
陶晚間阮裴園沈欽伯諸前輩俱曾寓此
僦直從來須計月催租也伯吏催
科

盧端臣先生招飲卽席賦呈

八米詞林秀蒲江樂府傳才應雄大歷名肩後盈川俗
味酸鹹別家風禮讓先蒸壺招弟子啟羈各忻然

潛研堂詩集卷五

門人黃鍾校字

潛研堂詩集

卷五

三